

Welches Bier sauer wil werden.

Item/nimb Eschen von Beyfuß/zu einem Eimer eine halbe Handvoll/vnd so viel Büchen Eschen/vermisch es wol in einander mit Bier/als ein Nuß/vnd der Mixtur geuß in ein ganz Fuß der Bier/anderthalben Quarten/vnd rühre es wol mit einem Besem/ laß darnach ruhen / so wirt es ganz lustig zu trincken.

Daß sich ein Bier nicht verkehr.

Item/nimb Lindenblätter/Nußblätter/Beyfuß gleich/vnd halb so viel Bermit/vnd hencß es in das Bier.

Item/etliche legen schöne weisse Kifling darein/auß einem fließenden Wasser.

Das neunzehende Capitel.

Vom Wasser.

Von Art/Natur/vnd Eigenschafft des Wassers.



Item weil man in der Küchen kein Wasser entrahten kan/habe ich nit vnangezeigt der Art/Natur vnd Engeschafft des Wassers können für vber gehen/Denn sonder wasser/Wein vnd Essig/keine küch erhalten kan werden. Aber durch dreyerley art vnd sinnigkeit das Wasser erkannt wirdt/ als nemlich am gesicht/geschmack vnd geruch. Dem gesicht nach sol es lauter/klar/vñ durchsichtig seyn/dem Geschmack nach lieblich/nicht faulens sumpfigs Geruchs/Darvmb alle die Wasser/welche ein sauren/scharpffen/versalkenē Geschmack haben/als von Schwesbel vnd Nitro/seyn schädlich vnd vngesund zu natürlichen Träncken zu gebrauchen. Man soll warnemmen der Brunnquellen/das sie sich gegen den Auffgang erstrecken/auch durch ein sauber Erdrich sich außspreiten/leichtlich zu wärmen vnd kälten/vnd im Sommer kalt im Winter wärmlich. Das Regenwasser ist am leichtesten/darnach das Brunnenwasser/vnd denn das/auß fließenden Bächen/vnd zum letzten auß verdumpfften stehenden Wassern/vnd das allerschwerste ist auß geschmolzen Schneewasser/Sumpffpülen vnd Bächen. Derhalben hab achtung/was du für Wasser sollt in der Küchen brauchen/auch Bier darauß zu machen/vnd dergleichen. Alle Wasser seyn von Natur kalt vnd feucht/vnd welcher Wasser noch kälter haben wil/soll es sieden vnd wider kühlen/das ist das aller kälteste Wasser. Darumb hab ich dir diese Natur/Art vnd Eigenschafft des Wassers nicht können verhalten.

Das



Handwritten notes in brown ink:
 Wasser
 ist das beste
 Wasser
 18.
 Wasser sieden, und
 wirdt kühl, ist man
 nicht das aller kühlste
 Wasser.